

hoc nihilominus adiecto, quod si dominis praefatis bona huiusmodi aliquo dierum ab ecclesia sua fortassis modo quocunque alienare placuerit, ex tunc ipsorum comparationem nobis aut nostris successoribus et capitulo ecclesiae nostrae praelibatae debent prius omnibus exhibere. In quorum omnium testimonium praesentis privilegii scriptum nostri sigilli appensione iussimus roborandum. Actum et datum Mersburg anno domini M°.CCC°.XLII° in die beati Martini episcopi.

Et nos dei gratia Gunczelinus praepositus, Engilbertus decanus totumque capitulum ecclesiae Mersburgensis ut noster consensus praemissis appareat favorabiliter affuisse, praesenti litterae sigillum nostrum duximus apponendum anno loco et die praenotatis.

Nach dem Orig. im Rathsarchiv zu Leipzig mit den Siegeln des Bischofs und des Capitels an Pergamentstreifen. Ein zweites Exemplar, ebenfalls mit zwei Siegeln, ist gleichlautend.

No. 105. 1343. 22. März.

*Probst Johannes und der Convent verpflichten sich zur Abhaltung einer täglichen Messe an dem von Peter von Rudenytz (Reudnitz) gestifteten Altare in der Nicolaikirche und nehmen den Stifter in die Gemeinschaft ihrer guten Werke auf.*

In nomine sanctae et individuae trinitatis. Actus temporales ideo privilegiis roborantur, ne in posterum successorum temeritatibus aut negligentis irritentur. Hinc est quod nos Johannes dei gratia praepositus, Henricus prior totusque conventus canonicorum regularium monasterii sancti Thomae apostoli in Lypzk tenore praesentium recognoscimus necnon universorum industriae cupimus fore notum, quod ob pia devotionis affectum, quem Petrus de Rudenytz noster parrochialis ad nostrum gerit ordinem, qui suam nobis elemosinam in opitulamen devote largitus est, ipsius quoque sinceris petitionibus annuentes unum altare in medio ecclesiae sancti Nycolai construximus suum in hoc desiderium adimplendo, in quo videlicet altari una missa singulis diebus mane infra matutinas per unum sacerdotem nostri conventus iugiter observabitur ob salutem ac remedium animae eiusdem Petri suorumque progenitorum necnon omnium fidelium defunctorum, ita quod quicumque concanonicorum nostrorum missam huiusmodi pro tempore servaverit, eiusdem remunerationis obtinebit solatium quod et alii ibidem secundarii pro tempore consueverint obtinere; missam etiam quaecunque ex devotionis gratia servare decreverit legendo vel cantando poterit observare. Damus nihilominus praedicto Petro suisque parentibus ac propinquis plenam in domino fraternitatem et participationem omnium bonorum operum, quae pater misericordiarum per nos ac nostros perpetuo donaverit fieri successores. Hoc itaque praeexpressae civitatis consulibus et Petro praelibato perpetuis inviolabiliter observandum temporibus promissimus et promittimus per praesentes. In praemissorum quoque evidens testimonium sigilla nostra praesentibus appendi fecimus in robur perpetuae firmitatis. Testes huius rei sunt Conr. de Acie, Mathias de Löbenytz,